

寶雞縣志序



志者學之師也才者學之徒也學者不患才之不贍而患志之不立周禮小史掌邦國之志志隸於史志者志也志定而後有言默則立象語則成文述千載之上若共一時辨殊俗之類若與同室自班馬陳范以至歐陽諸史所爲章志貞教表微闡幽藏名山而爲不朽之業者咸有以鑒其志之所存史既有之志亦宜然乾隆五十年之夏余奉

命告祭吳嶽江濱由隴入蜀來往道過寶雞邑令鄧寶山明府先示其所修洵陽志畢中丞序其書所謂勤求政本者是也既而事竣

寶雞縣志序

節旋明府又持其脫稿寶雞志來告曰將鈐諸木乞言以弁其端余讀洵陽志事瞻思深殷然見守官之法焉寶雞志事核文古斐然見學史之裁焉詩序曰詩者志之所之也在心爲志是以一國之事繫一人之本謂之風風行天上君子以懿文德風行地上先王以省方觀民設教志也者所以懿文德而宣民教也自志屬公局其權易撓其職易侵不止如後漢東觀之所謂著述無主條章靡立而已明府以地治之職成兩邑之書雖假草創討論之勞而其閉閣勤思于役橐筆舉夫建置之廢興與山川之險易民生之豐儉士習之淳正俗尙之澆淳賦役之厚薄衷諸志而有言因言成風所爲沐浴

膏澤而詠歌勤苦者思之也精故言之也切讀其書以求其志亦可卽其志以徵其所著矣是爲序

乾隆五十年歲次乙巳仲夏月中澣

賜進士及第資政大夫內閣學士兼禮部侍郎仁和胡高望撰

寶雞縣志

序

寶雞縣志目錄

浮梁鄧夢琴纂修

第一卷

沿革 疆域附

第二卷

山川

第三卷

建置 學校營制附

第四卷

渠堰 關梁附

寶雞縣志 目錄

第五卷

賦役

第六卷

祠祀 寺觀附

第七卷

秩官

第八卷

選舉

第九卷

宦績

第十卷

人物上

第十一卷

人物下

第十二卷

風俗 物產附

第十三卷

錄史

第十四卷

古蹟

寶雞縣志

目錄

第十五卷

金石

第十六卷

祥異 志餘附

寶雞縣志

凡例

一舊志始修於前明萬歷三十六年朱令炳然繼修於崇正十三年嚴令夢鸞

國朝順治六年薛令光前倡始編輯爲卷二十其書不傳十四年周令愜續修之至康熙二十四年何令錫爵重修之今所傳書三卷者是也其書雖荒略鄙俚原可等之白鄆無譏至乾隆二十九年許令起鳳開局纂修自矜書倍事詳則跋盪矣其勢不得不改修前局士友尙有存者旣面告以所以然共諒鄙衷非敢摭拾前人輕議其後也

寶雞縣志

凡例

一 陝西斗館局印

一喬三石耀州志凡例云事涉國典海內所共有者不書星野古以國論蓋括地遠矣亦不書洵陽志與鬼張柳之次實分畛域首列分野一門彼此可以互見不必重衍前說也

一號縣分治元初始省入寶雞不知沿革何以未經列入茲采經史及水經地志諸書考據原委古來郡邑分合較若列眉省其橫表壁壘一新矣

一南方志乘局開集賢館坐嘯畫諾人自爲荀袁家自爲政駿矣旣而阿好誣先各立私傳劉知幾所云此實家謀非關國史是也長吏懲是之故閉閣簪筆虛懷謀野人物一志除考證史傳碑記外新增傳者不過十餘人共矢矜慎未敢私

千其從前之泛濫無歸者稍加修飾庶幾人貌榮名各從其所安乎

一洵陽縣志故有錄史一門本紀列傳分次平列閱者微嫌篇幅之隔茲則經年緯月錄其實有關於邑事者本紀高書一格列傳分註其下事以類求非敢竊取紫陽綱目之義也

一邑人士遺集俱載本傳簡末不必另立藝文一則備列書名蓋名山藏少難彙集也然舊志藝文頗屬夥頤其顯然牴牾者亟宜刪削如所載岑參虢州後亭送李判官使晉絳絕句流寓傳又載其虢州東亭送李司馬歸扶風別廬詩不知唐之虢州屬宏農郡在今河南盧氏縣非邑南之虢川也流寓

寶雞縣志

凡例

一 陝西印書局印

傳又載賈島雲蓋寺絕句不知浪仙所寓者是鎮安西北四十里之雲蓋寺非邑西南之廢寺也至蘇東坡題虢國夫人夜遊圖亦列藝文則不知其指歸矣邑南虢川係諸葛武侯由漢中出斜谷之間道前人遊虢川記乃以魏延所云之子午谷當之則東西莫辨矣其餘郢書燕說可以類推也

一山爲邑鎮川隨山導邑之山川渭水中流吳嶽迤其北終南亘其南表以爲限萬壑千巖分支別派仍然聚米可數至於金石考古事言尤資補自羽陽瓦篆以下暨長春成道碑視舊志較詳矣其扶筇躡屨拭鐘捫石邑文學楊生景美高生元掄王生步瀛楊生儲精王生濟壬李生步蓮王生希鑿高

生其節韓生慶雲茹生含芳實有勞焉

一邑中舊宦頗有藏書之家俱已散軼無可乞假仍就行笥所  
有者綴葺成帙自愧疎略其編纂草創大半成於安康董孝  
廉詔之手兒子傳安亦分任之分校勸事者則浮梁鄭文學  
鳳儀暨從姪傳牧也至斟酌損益仍以己意折衷其間蓋  
重熙累洽大有頻登沐浴詠歌揚休導美自一隅達之天下以俟  
輶軒之采云爾

寶雞縣志

凡例

三

陝西印刷局印

寶雞縣志卷之一

沿革 疆域附

寶雞唐縣名

本朝仍之屬鳳翔府隸陝西省布政司

其在上古曰陳倉為

庖羲所治

水經曰渭水東經陳倉縣西酈氏引榮氏開山圖注曰伏羲生

成紀徙治陳倉也非陳國所建也

神農所生

世本炎帝姜姓 帝王世紀曰炎帝神農氏姜母安登遊華陽

寶雞縣志

卷一

感神而生炎帝長於姜水

按今縣南有姜水南流注渭酈元注渭水不知遂以會杜之  
岐水當之而謂岐水流經姜氏城南為姜水復自知其不確  
乃曰疑即杜水矣 通志岐水在岐山縣北 寰宇記原出  
麟遊普潤里東南流入漆水

黃帝都焉

路史疏佗紀有熊氏少典之子王承填而土行色尚黃天下號  
之黃帝身五十二戰而天下大服乃達四面廣能賢精功務法  
秉教乘剛而都於陳注曰今寶雞故陳倉姚陸云黃帝都陳倉  
非宛邱故今隴右黃帝遺跡甚多

唐虞夏商爲雍州陳國

禹貢黑水西河惟雍州 路史陳黃帝後姬姓國今寶雞故陳倉有陳山

商末爲岐封內地虢叔采邑

輿地記文王母弟虢叔所封是爲西虢 春秋孔疏虢仲虢叔文王之時虢君字也 賈逵曰虢叔封西虢

周爲畿內地曰西虢後曰小虢

晉書地道記曰西虢地也 太康記曰虢叔之國矣有虢宮平王東遷自此之上陽爲南虢矣 括地志故虢城在陳倉縣東四十里 路史東遷之際自此之上陽爲南虢其處者爲小虢

寶雞縣志

卷一

一一一 陝西印刷局印

按省志引路史曰蒯伯繁國穆天子西征至於蒯蒯伯繁逆天子郭地記陳倉有蒯城因謂蒯城在今寶雞縣東考穆天子傳辛丑天子西征至於鄘人河宗之子孫鄘栢絮且迎天子癸卯天子舍于漆澤乃西釣於河甲辰獵于滲澤丙午天子飲于河水之阿天子屬六師之人于鄘邦之南滲澤之上是西征者由北征而西非由鎬京而西也且辛丑至鄘丙午屬六師於鄘邦之南是天子留鄘凡六日而癸卯有西釣于河之文則鄘在河東可知矣故不錄

東周爲秦地曰陳倉平陽

史記秦本紀文公十六年以兵伐戎戎敗遂收周餘民有之地

至岐岐以東獻之周十九年得陳寶寧公二年徙居平陽武公元年居平陽封宮十一年滅小虢二十年武公卒葬平陽有子一人名曰白白不立封平陽 括地志寶雞神在岐州陳倉縣東二十里故陳倉城中平陽故城在岐州岐山縣西四十六里元和郡縣志陳倉縣秦文公所築因山爲名上城文公築九域志虢縣有平陽鎮

秦曰陳倉平陽屬內史

漢書地理志右扶風故秦內史 應劭曰縣氏陳山

漢曰陳倉曰虢曰蒯成曰平陽亭屬右扶風

漢書地理志右扶風故秦內史高帝元年屬雍國二年更爲中

寶雞縣志

卷一

陝西印刷局印

地郡九年復爲內史武帝建元六年分爲右內史太初元年更爲右扶風 陳倉有上公明星黃帝孫舜妻盲冢祠有羽陽宮秦武王起 虢有黃帝子周文武祠虢宮宣太后起 三輔黃圖曰虢宮宣太后起在今岐州虢縣界 水經注渭水東經陳倉縣南 通典漢陳倉城在今縣東二十里 舊志漢陳倉在縣東十五里前凸後凹中可容數千人 九域志虢在鳳翔府南三十五里 明一統志虢故城在寶雞縣東六十里 史記周繆傳高祖十二年以繆爲蒯成侯 輿地志蒯成縣陳倉縣之故鄉聚名周繆所封也

後漢曰陳倉曰平陽亭屬右扶風隸司隸校尉部

後漢書地理志劉昭補注陳倉三秦記曰秦武公都雍陳倉城是也有石鼓山 寰宇記曰魏後漢并於雍

按光武紀建武六年六月辛卯詔書省減吏員并合縣國則魏當於是時并也 又按馮衍顯志賦曰登平陽而懷傷章懷注云平陽縣名三國志楊戲季漢輔臣贊孫德果銳裴松之注李福字孫德封平陽亭侯故知平陽二漢原未廢也今補入

漢末屬漢安郡隸雍州

獻帝起居注中平六年省扶風郡都尉置漢安郡鎮雍隴麋杜陽陳倉汧五縣也 晉書地理志獻帝時罷司隸置雍州

寶雞縣志

卷一

四 陝西印刷局印

三國魏曰陳倉屬扶風郡隸司隸部

晉書地理志魏文帝卽位改京兆尹爲太守馮翊扶風各除左右仍以三輔屬司隸 水經注魏明帝遣郝昭營陳倉城諸葛亮圍之不利而退 元和志陳倉城魏太和中郝昭所築今有上下二城下城是昭築

晉曰陳倉屬扶風郡置蒯城屬始平郡同隸雍州

晉書地理志晉初于長安置雍州惠帝卽位改扶風國爲秦國宋書郡國志曰陳倉令屬扶風晉太康地志屬秦國 輿地記蒯城縣故陳倉之故鄉聚也晉武帝咸寧四年分陳倉立縣屬始平郡尋廢

苻秦時置武都郡置苑川縣

十六國春秋苻健于三交城置武都郡 元和郡縣志三交城在縣西司馬宣王與諸葛亮相拒所築 縣舊志今在縣西四十里 周地圖記晉末陳倉縣廢苻姚時于縣界置苑川縣 案元和郡縣志謂苑川在天興縣西四十三里乞伏乾歸據此自號西秦而縣志亦云苻登太初二年乾歸據苑川自號西秦俗呼秦王寨考晉書載記苻登始由狄道下秦隴自陰密攻姚萇泝雍二城克之又與戰於泝東爲萇所敗登入朝那萇據武都相持屢戰互有勝負及敗於姚興單馬奔雍興率衆攻之登遣子汝陰王宗質於隴西鮮卑乞伏乾歸結婚

寶雞縣志

卷一

五 陝西印刷局印

請援乾歸遣騎二萬救登登出迎與興戰于南山被殺是則當苻姚之時此地正二國戰爭之處卽乾歸亦但遣騎救之一敗旋去不聞據苑川也乾歸之苑川自在今金縣之西南苑川城見甘省志

後魏曰武都郡領平陽苑川隸岐州

魏書地形志岐州太和十一年置領三郡武都其一也郡太延間置平陽縣眞君六年置 寰宇記號縣漢并於雍後魏立爲武都郡 文獻通考後魏于扶風置平秦郡兼置岐州

按地形志無苑川考隋書地理志陳倉後魏曰苑川是知苑川固未廢也今補入

又按十六國春秋所云苻秦于三交置武都其地在今縣西  
寰宇記所云後魏卽號廢縣立武都其地在今縣東蓋徙其  
治而仍其名也

西魏曰武都郡陳倉洛邑屬岐陽郡

隋書地理志武都郡開皇初廢後魏宛川西魏改曰陳倉後魏  
武都西魏改曰洛邑 周書圖記大統十六年移宛川縣入漢  
陳倉故城復爲陳倉縣卽今東二十里故城是也 文獻通考  
曰西魏改平秦岐州爲岐陽郡也

按平陽隋志不載當于是時廢矣

北周曰武都郡顯州朔州屬岐陽郡

寶雞縣志

卷一

六

陝西印刷局印

隋地理志陳倉周置顯州尋州縣俱廢洛邑周置朔州州尋廢  
寰宇記周天和中於縣置朔州尋廢州移周原郡理之 省  
志按武都郡隋開皇初廢寰宇記又云移周原郡理之互異且  
周原郡未詳舊置何所

隋曰陳倉曰號屬扶風郡

隋書地理志扶風郡舊置岐州大業初置扶風郡開皇十八年  
於後周故顯州置陳倉有陳倉山有關官後魏武都郡開皇初  
廢大業初置號 周書圖記大業十年移陳倉舊理於渭北留  
谷城卽今縣 寰宇記大業三年改洛邑爲號縣 文獻通考  
隋初置岐州煬帝初州廢置扶風郡

唐曰寶雞曰號屬關內道鳳翔府扶風郡

舊唐書地理志隋陳倉縣至德二載二月十五日改爲鳳翔縣

十八日改爲寶雞次畿貞觀八年廢號縣入岐山天授二年

復分岐山置號縣次畿新唐書地理志岐州至德元載更郡

曰鳳翔二載復郡故名號西京爲府上元二年罷京曰西都未

幾復罷都文獻通考唐爲岐州或爲扶風郡後改爲鳳翔府

節度屬關內道元和郡縣志乾元元年改陳倉爲寶雞以昔

有陳倉寶雞鳴之瑞故名之

按新唐書次畿本陳倉至德二載更名與舊唐書合元和郡

縣志所云則後一年

寶雞縣志

卷一

七 陝西印刷局印

五代仍之屬岐州鳳翔府

職方考岐爲鳳翔唐晉漢周俱有

宋仍之屬秦鳳路扶風郡鳳翔軍節度

宋史地理志寶雞號皆次畿文獻通考紹興十二年和議成

割和尚原遺金縣遂爲金有

金仍宋制屬鳳翔路總管府

金史地理志大定二十七年升鳳翔爲總管府寶雞有陳倉山

渭水鎮一曰武城號有楚山渭水鎮一曰陽平

元曰寶雞屬鳳翔府隸陝西行中書省

元史地理志初立鳳翔路總管府至元九年更爲散府 明一

統志號縣元省入寶雞

明仍之屬鳳翔府隸陝西承宣布政使

明史地理志洪武二年置陝西等處行中書省九年六月改行中書省爲承宣布政使司

今縣治東至鳳翔縣界之第五邨七十里至岐山縣治一百一十里

南至漢中府留壩廳界之上太白二百二十里至留壩廳治三百五十里

西至甘肅秦州界之仙靈峪九十里至秦州治五百里

北至隴州界之縣頭鎮四十里至汧陽縣七十五里

寶雞縣志

卷一

八一 陝西印務局印

東南至岐山縣界之水寨九十里至郿縣治一百三十里

東北至鳳翔縣界之王家邨四十五里至府治九十里

西北至隴州界之葫蘆口三十五里至隴州治一百六十里

西南至鳳縣之黃牛堡一百里至鳳縣治二百一十里

又東南至西安府盩厔縣界之細水河二百五十里至盩厔縣治三百五十里

又西南至漢中府洋縣界之黃楊二百七十里至洋縣治三百七十里

凡廣約一百八十里袤約二百六十里至陝西省城四百四十里至

京師由河南道二千八百九十里山西道二千二百六十里

論曰傳有云望遠者難悉其容聽遠者僅聞其聲立乎近今以指三代已莫辨其溝樹矣况進而上之鴻荒之際哉顧言不雅馴固難述自薦紳而事備簡編豈得例諸虛妄渺茲百里封遡三皇蓋不敢以爲覈者竊所以爲慎也秦漢以來離合屢異大約地偏則以兼圻示富未免官衆而役繁統一則以省事宜民自見用舒而食寡綜數朝而撮要當年之繭絲保障攸分邁千古而獨隆

盛世之休養生息斯溥攷其沿革廢興之故列眉貫繩經緯錯綜歸於

大統卽一隅而益徵車書之無外也至若廢邱有封紀月表於秦楚岐國竊據割星野于梁唐繫異苞桑豳偷臥榻未等蠅息難分矚光論史不妨據陳分書無庸濫附矣

寶雞縣志卷之二

山川

縣北之山皆自吳嶽來其脈絡雖不可晰今據其可名者自西而東山原凡十有二西四十里曰佛巖

俗名西武當北連吳山河開陡壁飛閣懸樓實爲奇麗

西二十里曰長坡原

北通吳山南繞渭水陸川在左硤石帶右爲秦川平原之盡處西二里曰紫草原

以原產紫草故名北通吳山之陰左玉澗右硤石細峽中結大

寶雞縣志

卷二

陝西印務局印

阜漸平闊二里餘民居錯處前爲太平嘴

直北曰陵原

自吳山綿亘而來起阜開屏爲縣主山府志論邑之形勝所謂左金陵右玉澗面渭水背陵原卽此山也

東五里曰蟠龍山

於西平原盡處突起一峰形如龍蟠故名上有居民堡塞

王士正隴蜀餘聞蟠龍山有故相國党太保崇雅別業今圯萊陽宋琬寄党太傅詩

三首錄一

聞道東山有草堂清秋葭菼露蒼蒼散金宗族門常滿爭席田翁醉不妨甲第惟餘宮一畝午橋可有樹千章何時來訪烏衣